

Broj: 03-02-760-4/19
Sarajevo, 21.10.2019. godine

PARLAMENT FEDERACIJE BOSNE I HERCEGOVINE

Dom naroda

n/p gosp. Zvonki Mariću, izaslaniku
n/p gosp. Izmiru Hadžiavdiću, tajniku

Predmet: Odgovor na izaslanička pitanja

Poštovani,

Sukladno odredbama članka 75. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10 i 62/10), a u svezi sa člankom 104. Poslovnika o radu Doma naroda Parlamenta Federacije Bosne i Hercegovine ("Službene novine Federacije BiH", br: 27/03 i 21/09), u privitku Vam dostavljam akt Federalnog ministarstva energije, rudarstva i industrije, broj:05-02-1419/19 od 09. listopada 2019. godine, koji sadrži odgovor na izaslanička pitanja, koja je postavio izaslanik Zvonko Marić.

S poštovanjem,



TAJNIK VLADE

mr. sc. Edita Kalajdžić

Privitak: kao u tekstu

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 21-10-2019

Org. jed.	Broj	Priloga	Vrijednost
	05/2 - 02 -	189 145	19

7674/19

Broj : 05-02-1419/19
Mostar, 09.10.2019. godine

FEDERACIJA BOSNE I HERCEGOVINE

Bosna i Hercegovina
Federacija Bosne i Hercegovine
PARLAMENT FEDERACIJE BOSNE I HERCEGOVINE
DOM NARODA

17.10.2019
03-02-760-4/2019

n/r gosp. Izmir Hadžić, tajnik
n/r gosp. Zvonko Marić, izaslanik

VLADA FEDERACIJE Bosne i Hercegovine
n/r g-đa, Edita Kalajdžić, tajnik Vlade

PREDMET : Izaslanička pitanja gosp. Zvonko Marić, odgovor dostavlja se

Radi postupanja u skladu sa odredbama člana IV.B7.f) (VI) Ustava Federacije Bosne i Hercegovine, te odredbama člana 75. Poslovnika o radu Vlade Federacije Bosne i Hercegovine-Prečišćeni tekst („Službene novine Federacije BiH“, br. 6/10, 37/10 i 62/10), putem dopisa Sekretara Vlade Federacije, broj: 03/02-760-4/19 od 01.08.2019. godine, ovom Ministarstvu je dostavljeno zastupničko pitanje koje je na 2. sjednici Doma naroda Parlamenta Federacije Bosne i Hercegovine, održanoj 18.07.2019. godine, postavio izaslanik Zvonko Marić.

Pitanja:

Ja imam dva pitanja i ona su usmjerena prema premijeru Novaliću budući da sam i na prošlom zasjedanju govorio o Južnoj interkonekciji, vidim da dolaze pozitivni signali i da se aktivnosti u tom smislu odvijaju na onakav način kakav želimo svi kako bi se oslobodili utjecaja ruskog gasa i taj alternativni pravac očigledno koji će početi ili prikopčati se u Krku očigledno daje nadu da ćemo ublažiti sve one posljedice od poskupljenja plina, međutim, ono što mene interesira, a mislim i mnogi ljudi koji prate ovaj rad je to s obzirom na manire koji su svojstveni ovom lošem ambijentu koji vlada upravo na ovim prostora interesira me nakoji način Vlada F BiH vodi aktivnosti sinhroniziraju aktivnosti oko izgradnje ovog alternativnog toka iz prostog razloga što se može desiti Hrvatska ili obratno BiH zakaže u datom trenutku i bude se iz jednog smjera pravio samo a drugi bude stajao interesira me da li se vode u tom smislu pregovori i razgovori i da li su se dobile bile kakve garancije vezano za to jer izgraditi sa jedne strane samo infrastrukturu je suludo, a ne raditi sa druge strane istovremeno ili sinhronizovano a dat je rok koliko sam vidio 23. godine što je poprilično što se mene tiče vrlo optimističan rok, a u međuvremenu ćemo moći od jedne do četiri naredne godine živjeti u atmosferi možda mogući poskupljenja plina itd., što je svojevrsni pritisak i na potrošače.

Drugo moje pitanje odnosi se na izgradnju Bloka 7, TE Tuzla i u tom smislu me interesira budući da se već pojavila informacija kako se neka pravna lica ili osobe dobili

, pripremne radove tog bloka, prije nego što suglasnost za tako nešto dobijena na predstavničkom domu i Domu naroda. Da li je to tačno i da li Vlada može preispitati tu mogućnost i da li se evo već počelo sa manipulacijama radeći taj vrlo strateški rekao bi projekat dakle, da li ima takvih osoba pravnih lica koja su dobila mogućnost da izvrše pripremne radove.

Odgovor:

Vlada Federacije Bosne i Hercegovine, zajedno sa Federalnim ministarstvom energije, rudarstva i industrije i privrednim društvom BH-GAS d.o.o. Sarajevo, sa posebnom pažnjom prati aktivnosti na realizaciji projekta izgradnje gasovoda JUŽNA INTERKONEKCIJA BIH I HRVATSKE i shodno tome poduzima potrebne aktivnosti na njegovoj realizaciji.

S tim u vezi, obavještavamo Vas da je Vlada Federacije Bosne i Hercegovine, kao nastavak aktivnosti na realizaciji ovog značajnog projekta, na svojoj 179. sjednici održanoj 16.05.2019. godine i 183. sjednici održanoj 20.06.2019. godine, usvojila „Informaciju o projektu izgradnje gasovoda JUŽNA INTERKONEKCIJA BIH I HRVATSKE (gasovod Zagvozd - Posušje – Novi Travnik/Travnik sa odvojkom za Mostar) i tekstu Prednacrtu Sporazuma između Bosne i Hercegovine i Republike Hrvatske o izgradnji gasovoda „Južna interkonekcija Bosne i Hercegovine i Republike Hrvatske“ na pravcu Zagvozd (Hr) – Posušje (BiH) – Novi Travnik/Travnik sa odvojkom za Mostar“, kojom prilikom je donijela Zaključak V. Broj:720/2019 od 20.06.2019. godine, a kojim je između ostalog Vlada Federacije BiH dala pozitivno mišljenje na dostavljeni tekst prednacrtu Sporazuma između Bosne i Hercegovine i Republike Hrvatske o izgradnji gasovoda, te s ciljem poboljšanja istog predložila dopune i ažuriranje istog.

Naprijed navedenim Prednacrtom Sporazuma između Bosne i Hercegovine i Republike Hrvatske o izgradnji gasovoda između ostalog predviđena je slijedeća odredba:

“ODGOVORNOST ZA ŠTETU

U slučaju da jedna od Ugovornih strana bez osnovanog razloga odustane od realizacije projekta „Južna interkonekcija Bosne i Hercegovine i Republike Hrvatske“ na pravcu Zagvozd (HR) – Posušje (BiH) – Novi Travnik/Travnik sa odvojkom za Mostar, odnosno realizacije dijela IAPa ili dionice gasovoda Split – Zagvozd u Republici Hrvatskoj i realizacije gasovoda Posušje – Novi Travnik u Bosni i Hercegovini prije početka izgradnje ili tokom same izgradnje, odgovorna je drugoj Ugovornoj strani za prouzročenu štetu i nastale troškove.

Ugovorna strana će o svojoj namjeri da odustane od realizacije projekta iz stava 1. ovog člana, obavijestiti drugu Ugovornu stranu, pisanom obavijesti, diplomatskim putem.“

Pored navedenog, prema informacijama dostavljenim od privrednog društva BH-GAS d.o.o. Sarajevo, kompanija Plinacro, Republika Hrvatska (hrvatski partner u apliciranju i realizaciji projekta) je potvrdila svoju zainteresiranost i sa svoje strane dala podršku izgradnji plinovoda Južna interkonekcija.

Naprijed navedene aktivnosti, aktivnosti koje se provode i naredne aktivnosti uz aktivno učešće svih zainteresovanih za realizaciju projekta koje se trebaju provesti do konačnog potpisivanja Sporazuma između Bosne i Hercegovine i Republike Hrvatske o izgradnji gasovoda „Južna interkonekcija Bosne i Hercegovine i Republike Hrvatske“ i početka realizacije Projekta, trebale bi rezultirati otklanjanjem i najmanje sumnje u obostranu realizaciju projekta.

Vezano za Vaše drugo pitanje koje se odnosi na pripremne radove za izgradnju Bloka 7, TE Tuzla, obavještavamo Vas da je ovo Ministarstvo zatražilo odgovor od strane

Elektroprivreda Bosne i Hercegovine d.d. Sarajevo, koja je aktom broj: 01-07-
2019/2019 od 07.10.2019. godine dostavila odgovor po traženju, a sadržaj istog prenosimo u
cijelosti u nastavku:

„U cilju dugoročnog osiguranja električne energije radi zadovoljenja vlastitih potreba, pokrivanja budućeg deficita električne energije i snage koji će nastati usljed gašenja postojećih termoblokova, te osiguranja pozicije Federacije Bosne i Hercegovine na unutarnjem i regionalnom tržištu električne energije Vlada Federacije BiH je donijela:

- Odluku o proglašenju javnog interesa i pristupanju pripremi i izgradnji elektroenergetskih objekta u Federaciji BiH („ Službene novine Federacije BiH „ broj: 8/10, 34/11).

Predmetnom Odlukom Javno preduzeće Elektroprivreda Bosne i Hercegovine d.d.- Sarajevo proglašeno je nosiocem aktivnosti na pripremi i realizaciji izgradnje Bloka 7 u TE Tuzla. Daljim odlukama Vlade Federacije BiH data je saglasnost JP Elektroprivreda BiH, da u svojstvu nosioca aktivnosti pripreme i izgradnje elektroenergetskog objekta TE Tuzla, blok 7 - 450 MW, nastavi i intenzivira aktivnosti.

- Odluka Vlade Federacije BiH o pripremi i izgradnji Bloka 7 - 450 MW u TE Tuzla (Službene novine FBiH broj 13/10) i
- Odluka o izmjeni i dopuni Odluke o pripremi i izgradnji Bloka 7 - 450 MW u TE Tuzla (Službene novine FBiH broj 25/10).

U svrhu cjelovitog i potpunog informisanja, neophodno je da se razjasne činjenice da pripreme aktivnosti na realizaciji najveće poslijeratne investicije u Bosni i Hercegovini, podrazumijevaju izradu projektne dokumentacije (idejnog projekta), rješavanje imovinsko-pravnih odnosa na zemljištu, pribavljanje svih potrebnih dozvola za izgradnju te izvođenje pripremnih radova na uređenju lokacije Bloka 7 u TE „Tuzla“ u Tuzli, a koji su isključiva obaveza i odgovornost Investitora, tj. JP Elektroprivrede BiH i finansiraju se iz vlastitih sredstava JP Elektroprivreda BiH.

U skladu sa odlukama Vlada Federacije BiH, JP Elektroprivreda BiH je 2010. godine započela pripreme aktivnosti. Nadzorni odbor JP Elektroprivreda BiH je donio investicione odluke za finansiranje predhodnih i pripremnih aktivnosti na realizaciji projekta izgradnje Bloka 7 i investicione odluke o investicionom ulaganju u pripreme aktivnosti na realizaciji projekta izgradnje Bloka 7 u TE Tuzla - uređenje lokacije.

Za pripreme radove urađena je dokumentacija na nivou glavnih i izvedbenih projekta, urađena je tenderska dokumentacija, proveden postupak javne nabavke po Zakonu o javnim nabavkama i do sada je realizovano:

- Potpisani ugovori:
 - ✓ sa Elektroprenosom BiH za izmještanje dalekovoda 220 kV u krugu TE Tuzla radi izgradnje Bloka 7
 - ✓ Nabavka rasvjete i video nadzora na lokaciji izgradnje Bloka 7 u TE Tuzla S Revizija i geotehnički nadzor (Misija G41 i G42) na Izvođenju pripremnih radova za izgradnju bloka 7 u TE Tuzla {prva faza}
 - ✓ Geodetski nadzor na Izvođenju pripremnih radova za izgradnju bloka 7 u TE Tuzla-prva faza
 - ✓ Vanjska kontrola kvaliteta na Izvođenju pripremnih radova za izgradnju bloka 7 u TE Tuzla prva faza
 - ✓ Ugovor za Izvođenje pripremnih radova za izgradnju bloka 7 u TE Tuzla - prva

za koji obuhvata:

- Čišćenje, nasipanje i nivelacija terena
 - Izrada vanjske ograde i ulaznih kapija
 - Izmještanje podzemnih instalacija i nadzemnih objekata
 - Produžetak glavnog kolektora i izmještanje obodnog kanala
- Pokrenuta nabavka napajanje gradilišta električnom energijom na lokaciji izgradnje Bloka 7 n TE Tuzla
 - Pokrenuta nabavka Usluga nadzornog organa - inženjera nad realizacijom EPC ugovora za izgradnju Blok 7 - 450 - MW u TE Tuzla. Postupak je trenutno na Uredu za razmatranje žalbi BiH

Pripremni radovi trebaju biti završeni i gradilište predato EPC Izvođaču. Datum predaje gradilišta je datum izdavanja Obavijesti JP Elektroprivreda BiH o početku realizacije EPC ugovora. Pripremni radovi nisu u obimu EPC ugovora.

U skladu sa članom VIII. Odluke Vlade Federacije BiH o pripremi i izgradnji Bloka 7 u TE Tuzla JP Elektroprivreda BiH je redovno informisala Federalno ministarstvo energije, rudarstva i industrije i Vladu Federacije BiH o stanju priprema na izgradnji bloka 7.

Paralelno sa predhodnim pripremnim aktivnostima, slijedeći Zaključak Vlade FBiH V. Broj: 1242/2014 od 26.06.2014, kao i Zaključak oba doma Parlamenta Federacije BiH (23/24,07.2014. i 30.07.2014.), JP Elektroprivreda BiH je okončala aktivnosti Tenderskog procesa za odabir Projektnog partnera za izgradnju Bloka 7 i potpisala:

- Ugovor o inženjeringu, nabavci i izgradnji (EPC Ugovor) između JP Elektroprivrede BiH d.d. - Sarajevo i Konzorcija China Gezhouba Group Company Limited, Peking, China (Lider) i GED1, China (Član), potpisan 27.08.2014. godine;
- Sporazum o kreditnoj liniji između Cexim banke i JP Elektroprivrede BiH d.d. - Sarajevo, potpisan 27.11.2017. godine;
- Sporazum o projektnom partnerstvu između JP Elektroprivrede BiH d.d. - Sarajevo i Konzorcija China Gezhouba Group Company Limited, Peking, China (Lider) i GEDI, China (Član), potpisan 12.06.2019. godine;
- Ugovor o Garanciji Federacije BiH (Garancija Federacije BiH), parafiran između Federalnog ministarstva finansija/financija i Cexim banke;
- Ugovor o izdavanju Garancije Federacije BiH, između Federalnog ministarstva finansija/financija i JP Elektroprivreda BiH d.d. - Sarajevo, parafiran 1.05.2018. godine.

s tim da isti nisu mogli početi sa primjenom prije pribavljanja saglasnosti Vlade Federacije BiH, Parlamenta Federacije BiH i odluke Skupštine JP Elektroprivreda BiH d.d. - Sarajevo.

S poštovanjem,

Dostaviti:

- Naslovu,
- evidenciji i
- a/a

